

廣
四十家小說
第六冊

蘇子知

如夢

PDG

開顏集卷上

射士

出韓子

有薦不死藥於荆王。射士有取而食之。王欲殺射士曰。臣謂不死藥而食之。今殺臣。是殺人。藥王乃笑而赦之矣。

劉神童

出明皇雜錄

玄宗時。劉晏以神童授秘書省正字。年方十歲。形狀獐劣。而慧悟過人。上召於樓中。簾下。貴妃置於膝上。為施粉黛。與之中櫛。上問晏為正字。正得幾字。晏曰。天下字皆正。唯朋字未正。貴妃令詠王大娘戴竿。晏應聲曰。樓前百戲競爭新。惟有長竿妙入神。誰謂綺羅翻有力。猶自嫌輕更著人。上與貴妃為之絕倒。

王始

出十六國春秋

南燕慕容德建平四年。妖賊王始聚眾於太山萊蕪谷。自稱太平皇帝。號父圖為太上皇。號兄林為征東將軍。秦為征西將軍。假署公卿。誑動百姓。德遣車騎將軍王鎮討擒之。將斬於馬市。有一人謂之曰。何為妖妄。自貽族滅。父兄何有。始答曰。太上皇蒙塵在外。征東征西為亂兵所害。如朕今日。復何聊賴。其妻趙氏怒曰。君止坐此口。

以至於死。如何臨刑。猶自不革。始答曰。皇后不達天命。自古迄今。豈有不滅之國哉。行刑者。以刀鑲築其口。始曰。朕今為爾所苦。崩即崩矣。終當不易尊號。德聞而笑。謂左右曰。榮感之人。死猶誑語。何可不殺。

張太守

出南齊書

張率歷黃門。即出為新安。遣家僮載米三千石。還吳宅。及至。遂耗大半。率問其故。答曰。雀鼠所耗。率笑而謂曰。壯哉雀鼠。竟不窮問。

齊人女

出風俗通

齊人有女。二家求之。東家子醜而富。西家子好而貧。父莫知所與。又難指斥。謂女曰。汝宜偏袒。令吾知之。女便兩袒。母問其故。答曰。欲得東家食。而西家宿也。

攫金人

出列子

齊人有欲金者。清旦衣冠往市。過見貨金者。因攫奪而去。吏捕問之。對曰。取金之時。不見人。但見其金也。吏大笑之。

韋少卿

出酉陽雜俎

蜀小將軍韋少卿。韋表微之堂兄也。少不喜書。嗜好劉青其季父。嘗令解衣視臂。上

劄一樹。樹杪集鳥數千。其下懸鏡。鏡鼻繫索。有人止於側。牽之。叔不解。問焉。少卿笑曰。叔不曾讀張燕公詩云。挽鏡寒鴉集耶。叔大笑不已。

王僧虔

出南史

瑯琊王僧虔博涉經史。兼草隸書。太祖謂僧虔曰。我書何如。卿答曰。臣真書第一。草書第二。陛下草書第一。真書第三。陛下無第一。臣書無第三。上大笑。歷任左僕射。

馮翊

出十六國春秋

石勒制法甚嚴。兼諱胡。尤峻有醉胡乘馬突入上東門。勒大怒。謂守門馮翊曰。夫人君為令。將使下之無犯。吾尚望威行天下。況於宮闈之間。向馳馬入門。為何人而不憚。何縱之耶。翊惶遽忘諱。對曰。向有醉胡乘馬馳入。其呵衛之而不可。所謂互鄉難與言。非小臣所能制。勒笑曰。胡正自難與言。恕而不罪。

蕭琛

出南齊書

武帝嘗以棗擲蕭琛。琛乃取棗擲上中面。曰。陛下投臣以赤心。臣敢不報以之戰栗。上大笑。

馮光震

出大唐新語

開元中中書令蕭嵩以文選是先代舊業欲注釋之奏請左補闕王智明金吾衛佐李玄成進士陳居亮等注文選先是東宮衛佐馮光震入院校文選兼復注釋鵠蹲云今之茅子即是着毛蘿蔔院中學士向外說蕭嵩聞撫掌大笑

溫嶠

出世說

溫嶠從姑劉氏家值亂離唯一女甚有才慧姑以屬嶠索婚意答曰佳聲難得但如嶠比云何答曰喪破之餘乞得粗相存活便足慰吾餘年敢希比汝耶數日嶠報姑云已得婚處門地粗可單身不減於嶠因下玉鏡臺一枚姑大喜既婚交禮以手帕紗扇女大笑曰固是此老奴果如所疑耳

王綯

出南史

王綯字長素或之子也早慧年五六歲讀論語至周監於二代外祖何尚之戲之曰可改都都乎文哉綯應聲答曰尊者之名安可戲甯道草翁之風必偃尚之笑而色赧

何著作

出宋書

何承天除著作郎撰國史承天時年已老而諸郎並名家年少潁川荀伯子嘲之常呼為姦母承天曰卿何不云鳳凰將九子諸郎聞而大哂

周昌

出漢書

周昌為人強力。能直言。自蕭曹等卑下之。嘗入奏事。高帝方擁戚姬。昌走帝逐得騎。昌嗔問曰。我何如主。昌仰視帝曰。陛下桀紂之主。上笑而尤憚昌。

張奭

出唐史

天寶元年冬。選六十四人判入等第。時御史中丞張倚男奭判入高第。有下第者。嘗為勦令以其事白于安祿山。祿山遂奏之。至來年正月二十日。於勤政樓下。親自重試。唯得二十人。內張奭不措一詞。時人笑之。謂之掣白。

趙儒宗

出國史補

憲宗問趙相儒宗曰。人言卿在荆門球場草生何。對曰有之。死罪。雖然。草生不妨球子往來。上為啟齒。

劉道真

出累王記

劉道真自牽船。嘲女子曰。女子何不調機弄杵而採蓮。女子答曰。丈夫何不跨馬揮鞭而牽船。道真又嘗素盤共人食。有媼青衣。將二子行。道真嘲曰。青羊將二羔。媼應聲曰。兩猪同一槽。

京邑婦

出妒記

京邑有士人婦大妒於夫。小則罵詈。大則捶打。常以長繩繫夫脚。且喚使牽繩。夫密乞巫嫗為計。因婦眠。士人入廁。以繩繫羊。士人沿牆走避。婦人覺牽繩而羊至。大驚。召問巫嫗。嫗曰。娘子積惡。先人怪責。故即君變成羊。若能克己改悔。乃可祈請。婦因悲號抱羊慟哭。深自咎悔。誓不復妬。嫗乃令七日清齋。舉家大小悉避於水中。祭鬼神。師呪羊還復本形。士人徐還。婦見。聳問曰。多日作羊。不乃辛苦耶。聳曰。猶憶噉草不美。腹中痛耳。婦愈悲哀。自此不復妬忌矣。

蕭俛

出國史補

貞元中給事中鄭雲逵。與國醫王彥伯隣居。嘗有蕭俛求醫。誤造雲逵。雲逵為診之。曰。熱風頗甚。又請藥方。雲逵曰。藥方即不如東家王供奉。俛既覺失錯。驚遽趨出。是時京師有乖儀者。曰。熱風而已。愧大笑之。

濟尼

出世說

謝逸絕重其姊。張玄嘗稱其妹。欲以敵之。有濟尼者。並游謝張二家。人問其優劣。答曰。王夫人神情散朗。故有林下之風。顧家婦清心玉映。自是閨房之秀。

袁隗

出後漢書

袁隗妻馬融女。字倫。少有才辯。隗謂曰。弟先兄娶世以為笑。今處姊妹道先行可乎。對曰。妾姊高行殊邈。未有良匹。不似鄙薄苟然而已。隗大笑之。

張裔

出三國志

蜀諸葛亮遣鄧芝使吳。送張裔於吳。孫權權乃問裔曰。蜀卓氏寡女。奔司馬相如。貴土風俗。何以乃爾。裔對曰。愚以卓氏之女。猶賢於買臣之妻。權微笑而色怍。

祖士言

出晉略

晉祖士言與鍾雅相朝。祖屢屈。鍾語祖曰。我汝穎之士。利如錐。卿燕代之士。鈍如鎚。祖曰。以我鈍鎚打你利錐。鍾曰。自有神錐。不可亂打。祖曰。既有神錐。亦有神鎚。鍾於是辭屈而哂。

陸士龍

出晉抄

晉荀鳴鶴。陸士龍。未相識。因會陸抗手曰。雲間陸士龍。荀曰。日下荀鳴鶴。陸謂張茂先曰。既聞青雲觀白雉。何不張爾方挾爾矢。荀答曰。本謂雲龍駢駢。乃是山鹿野麋。獸微而弩強。是以發遲。茂先乃撫掌大笑。

伊籍

出三國志

蜀先主以伊籍使吳。孫權聞其才辯。欲逆折其辭。籍適入拜。權曰。勞事無道之君。籍應聲對曰。一拜一起。未足為勞。吳主卒無語對。

鄭玄家婢

出世說

鄭玄家奴婢皆讀書。嘗怒一婢。拽着泥中。一婢問曰。胡為乎泥中。答曰。薄言往訴。逢彼之怒。

庾揆

出三國典畧

庾信妻徐氏與弟揆私通。欲求之。無致言者。信庭前有蒼鵝。揆以書繫于鵝頸。信取看之。乃揆啟也。題紙尾曰。畜生乞與汝。

謝鯤

出晉書

謝鯤字幼輿。隣家高氏有女。美姿色。鯤嘗挑之。女投梭折鯤兩齒。人語曰。任達不已。幼輿折齒。鯤聞之。傲然長嘯曰。猶不廢我嘯歌耳。

華譚

出北史

後魏華譚。本南人。後舉秀才。入洛時。宣武坐內。有嘲譚者。令聖主在上。思拔賢俊。故

使六府開命州郡貢才。提英奇於仄陋。搜幽滯於巖穴。今子亡國之餘。有何秀異而應斯舉。初無答者。諱在下行對曰。當今六合齊軌。九州同貫。祥風和迅。景雲澄空。故龍鳳擢形於天衢。異人並出於聖朝。吾聞盈尺之璧。不生崑崙之山。隋侯之珠。豈出孟津之水。況大禹生於東夷。文王生於西域。賢聖之在。豈有所常。如吾子言。何其未識也。昔武王伐紂。遷頑民於洛邑。諸公得非苗裔乎。衆皆大笑。改觀焉。

孫皓

出三十國春秋

晉武帝問孫皓曰。聞南吳人好作爾汝歌。頗能否。皓正飲酒。因舉觴勸帝而言曰。昔與汝為隣。今與汝為臣。上汝一杯酒。願汝壽千春。帝笑而悔之。

王將軍

出世說

王將軍嘗至石崇宅。如廁見漆箱盛棗。本以塞鼻。王云。廁上下果遂食盡。既還。婢擎金盤盛水。琉璃碗盛澡豆。王以澡豆著水中而飲之。謂是乾飯。婢大笑而已。

崔司徒

出九州春秋

靈帝賣官。廷尉崔烈入錢五百萬以買司徒。其子均字孔平。亦有時名。烈問均曰。吾作公天下。謂何如。均對曰。大人少有高名。不謂不當為公。但海內嫌其銅臭耳。烈舉

杖擊之而均走。烈曰：孔平可謂孝乎？均曰：小杖則受，大杖則走，不欲使父陷於不義耳。烈曰：爾以吾為瞽瞍耳。

晏嬰

出晏子春秋

晏嬰曾使楚。楚王聞其智辯，欲折之。及相見，王密使縛一囚於殿前而過曰：此何人也？左右曰：齊人也。王曰：有何罪？對曰：坐為盜。王乃顧謂晏子曰：齊人好為盜乎？晏子曰：大王頗聞橘生江南，江北為枳，水土異也。此人在齊時不為盜，今在楚乃為之，將非楚俗使之然也？王及左右皆大慚，莫有對者。

孔融

出後漢書

後漢孔融字文舉。桓帝時，河南尹李膺有重名，恃才倨傲，每令守門者通賓客，非當代英賢及通家子孫不得輒通。融年十餘歲，欲觀其為人，乃造膺門，語守門者曰：我是李尹通家子孫，門者告膺，膺乃見融，問高明家君嘗與僕周旋乎？融曰：然。先君孔子與公先君李老同德比義而相師友，則融與公累代通家也。膺大悅，眾坐奇之。咸曰：異童子。膺引坐，謂曰：卿欲食乎？融曰：須食。膺曰：敎卿為客之禮，但讓不須。融曰：不然。敎公為主之禮，但置食不須問客。膺慙，乃歎曰：吾將老死，不見卿富貴也。融曰：公

殊未死。膺問何故。答曰。烏之將死。其鳴也哀。人之將死。其言也善。向來公所言未有善也。是故知未死。膺奇之。時大夫陳煒後至。同坐以告煒。煒曰。人小時了了。大未必能佳。融答曰。若然者。君亦幼當了了。煒甚踉蹌。舉坐大笑不已。

開顏集卷下

李泌

出國史補

李泌為相。以虛誕自任。嘗對客令家人速灑掃。今夜洪崖先生來宿。有人遺美酒一榼。有客至。乃曰。麻姑送酒來。與公同飲。傾未畢。門者曰。某侍郎取酒榼。泌命還之。客無愧色。

東方朔

出漢武故事

西王母獻桃於武帝云。此桃三千年生花。三千年熟。王母指東方朔云。仙桃三熟。此兒已三偷得此桃。帝曰。嘗聞鼻下長一寸。是百年人。方朔笑曰。彭年壽年七百。鼻下合長七寸耳。

梁武帝

出朝野僉載

梁武帝蕭衍時。太白入南斗。衍跣足繞殿三匝。羣下怪之。帝曰。太白入南斗。天子下殿走。朕欲以禳之耳。俄而高歡入洛。後魏帝元循走長安。梁主羞之。歎曰。不意箇虜子卻應天文耶。以此言之。江東非正統也。

蘇長

出唐實錄

蘇長貌醜。隋煬帝目為驢。又高祖嘲云。名長意短。口正心邪。又從高祖獵射。大獲禽獸。上謂長曰。今日畋遊樂乎。長曰。陛下遊獵。薄廢萬機。不滿十旬。未足為樂。上色變而笑曰。狂態發耶。對曰。為臣私計則狂。為國計則忠。

鍾會

出唐實錄

鍾會鍾繇兄弟盛飾。同坐車上。行至城西門。逢一女子。微笑曰。此車中央殊高。二鍾都不覺。車後門生曰。有女子戲公車云。此車中央殊高。公曰。云何中央高。門生曰。夫中央高者。兩頭低。此戲公二人為兩頭毚也。後鍾會更不復同車行。畏逢此女子。

宋弘

出東觀漢記

宋弘見光武御座。新施屏風。盡列女。帝數視之。弘曰。未見好德如好色者也。上即撤之時。光武姊湖陽公主新寡。帝共論朝臣。微觀其意。主曰。宋公威容德器。羣臣莫及。方且圖之。後弘被引見。帝令公主坐屏風後。因謂弘曰。諺云。貴易交。富易妻。人情乎。弘曰。臣聞貧賤之交。不可忘。糟糠之妻。不下堂。帝顧謂公主曰。事不諧矣。

徐陵

出梁史

梁常侍徐陵聘齊。魏收文字。為北朝之彥秀。錄文集。以遺陵。謂傳之江左。陵還濟江。

悉沉之。從者問其故。答曰。吾為魏公藏拙。

歸命侯

出三十國春秋

吳主孫皓為晉所滅。以為歸命侯。晉武帝與侍中王濟弈碁。皓在側。濟問皓曰。聞君在吳。剝人面。則人足。豈有之乎。皓曰。見失禮於君者。則剝削之。時濟伸脚局下。皓以此譏之。濟矍然收脚矣。

沈約

出梁書

沈約嘗侍宴。屬豫州進栗子。中有徑寸者。帝因勅沈約曰。與卿周微栗事多少。各思所記。帝得十二事。約得九事。少於帝三事。約出謂人曰。此公忌前若多之。恐羞死。帝聞其言不遜。欲加罪。徐勉固諫。乃止。

郝超

出宋書

郝超字嘉賓。桓溫與謝安論大事。令超卧帳內聽之。風動帳開。安笑曰。郝生可謂入幕之賓矣。

何儒亮

出國史補

進士何儒亮。自外州至。訪其從叔。誤造趙需宅。自云同房。會冬至。需家致宴。揮霍儒

亮是同房。便令入宴。姑姊妹盡在坐。馬儒亮饌畢徐出。需大笑。儒亮歲不敢出京城。因號需為何郎中。

楊弘武

出唐實錄

高宗問楊弘武曰。卿在司戎授官。有非其才者也。弘武曰。臣妻拒捍。此其所囑不敢違命。上嘉其不隱。笑而遣之。或謂以此言諷上用皇后言也。

何尚之

出南史

尚書令何尚之與太常顏延之少相好狎。二人並短小。尚之嘗謂延之為猿。延之目尚之為猴。同遊太子西池。延之問路人曰。吾二人誰似猿。路人指尚之為似。延之喜笑。路人曰。彼似猿耳。君乃真猴。二人俱大笑之。

劉臻同

出隋書

劉臻字子宣。耽于經史。性遂恍惚。世事多所遺忘。時有劉訥者。與臻俱為儀同。臻住城南。訥住城東。臻自朝下。將訪問劉儀同家。從者謂臻將歸。乃引至臻家。臻乃據鞍大呼曰。劉儀同在乎。可出矣。其子迎門驚曰。汝亦來此。答云。此是大人宅也。臻於是顧左右。久之方悟。